

# 日記選

劉直編選

下冊

中華第五十五號  
市命書  
圖



中學國語補充讀本之一

上海北新書局印行

分类 K26/15d

编号

无锡市教师进修学院

# 選 記 日

冊 下

編 直 劉

江南大学图书馆



91276454

行 發 局 書 新 北

一九三四年三月付版  
一九三四年四月出版



日記選下冊

實價五角

編者 劉志雲  
發行人 李新書局  
發行者 北新書局  
印刷者 華印局

總發行所

上海四馬路中市  
電報掛號一六三號

北新書局

北平 成都 開封 南京 溫州  
廣州 廈門 武漢 重慶 昆明  
北新書局分局

# 日記選下冊目次

|              |           |           |
|--------------|-----------|-----------|
| 客杭日記·····    | 郭 昇·····  | (一一—二四)   |
| 北行日譜·····    | 朱祖文·····  | (二五—三九)   |
| 甲行日注·····    | 葉紹袁·····  | (三九—六五)   |
| 尋花日記·····    | 歸 莊·····  | (六五—八一)   |
| 海外記事·····    | 大汕厂翁····· | (八一—一〇二)  |
| 南來志·····     | 王士禎·····  | (一〇二—一三二) |
| 惜抱使湘魯日記····· | 姚 鼐·····  | (一三一—一三九) |
| 心烈日記卷之一····· | 方玉潤·····  | (一三九—一五一) |
| 卷齋日記·····    | 吳大澂·····  | (一五一—一六二) |

日記選

二

復堂日記十一則……………譚獻……………（一六二——一六九）

使西紀程……………郭崧燾……………（一七〇——一八二）

越縵堂日記……………李慈銘……………（一八二——一八六）

湘綺樓日記……………王闓運……………（一八七——二〇五）

# 日記選下冊

## 客杭日記

郭畀天錫 著

至太戊申九月初一日，燒壽星紙，拜親，路遇雲公顯舍人，握手語去年此日在邳州道中時，相與一笑。

初三日雨。陳和父來，錄示新文。小窗兀坐，誦「滿城風雨近重陽」之句，誰其慰予岑寂耶？

初六日晴。李仲謙攜紙求書畫蘭。過五條街，遇陳景南，同訪陳響林，出示小米手幅軸，臨李伯時馬雪林行虎三卷，塔海公物也。

初十日晴。登甘露寺，見本長老，留酒。午，麪。仍求書放翁水調歌孫楚望模魚子二詞，于多景樓下壁上，又以紙求書遺教經四十二章經瀉山警策證道歌。

十二日晴。爲甘露本無傳長老鈔經，客有惠杭州潘又新筆者，書小楷數千而不伐，可愛可愛！

十四日晴。訪盛季高，出示李重光墨竹、鷓鴣、希遠墨梅、古木。房明仲同茶。

九月十六日晴。晚、趨呂城夜航，作錢唐之行。

十七日午前抵呂城壩下，倒換小舟，至奔牛，復換小舟，晡時，至常州，入城，元豐橋見白湛淵提舉。值出江陰未回。乃子无咎无華留飲。同白无咎到太平寺觀壁上畫水中作，筆繞之不斷。立視久之，

若洶湧生動之意，奇筆也。

十八日晴。同无咎回。蔡德甫禮留小酌，煮蟹蒸芋，次別无咎昆仲，登夜航，之姑蘇。有北客喧呼，至二更乃睡。

十九日午後抵平江，見龔子敬山長父子。留宿，具晚飯。飯已，留燈夜話。是夕多蚊。

二十日晴。飯罷，登航，解后<sup>四</sup>。杭人潘伯起，呼酒酌之。蓋在大都時曾相識故也。共上船行。

廿一日晡時，上長安買飯。

廿二日四更到杭州城外。霜月滿天，寒氣逼人。候北關門接待寺鐘動，換舟入城。拂明，潘伯起送予歇于施水坊橋梳頭沈待詔之樓。遇金壇尹子源同寓，橋東訪趙伯可儲叔儀。到江浙省中照磨所，見

李叔義。省西見張菊存。下龔子敬書。會張松澗府判。同茂之到長生老人橋。過紀家橋，解庫門首，見吳若遺提點。

※

※

※

※

※

※

至大元年戊申九月廿三日，客杭，晴。早，過井亭橋，解后張雲心府判。次遇湯北村同知，張景芳學正。

到玄同觀見吳若遺，若遺有他事，令師孫羅康伯相接，具早飯，鄭表白同集。柏窗鄭君之子也。飯已，入壺中林壑，次開北斗殿，看李息齋所畫松貳株於壁間。

見李伯玉，改所幹之文，約來日于省中見其子。出北關門湖州市妙行寺中尋伏維那，已于昨日登天目山矣。徒有悵悵。寺僧宗兄供紙，留數字而退。觀正殿佛三尊，偉甚，中設毗盧遮那佛像，殿前止

有藏一座。次入法堂，有碑石數本，云喻彌陀神筆所畫佛像，傍刻本末，不暇記也。次禮古觀音像，相傳唐朝塑者，兩邊畫壁，以屋暗不可細覽，門有放生池，俗云接待寺者，卽此院也。回路，足行倦甚，坐小舟而還。趙伯可來。寓樓頗潔，便于坐臥，大抵杭城樓居相連，自有一種風韻耳。婺州孔君立來。聞孔提舉新除。晚見唐仲文外郎，出示米老研山圖。

九月廿四日，客杭，晴。早到省中照磨所，見叔義。改抹元文。到儒學題舉司，攜李兄書，見王一初都目，投呈子。會王壽之王子芳任伯和，是日分付該吏金君玉承行。次約金君玉毛令史市樓小集。雨作。湖上兜率寺，見趙子昂學士不遇，乃姪趙仲美具茶訖，致意。廿五日陰，客杭。尹子源約小飲。是夜客樓喧甚，必雨作也。

廿六日陰，客杭。結縛橋西前洋街，回謁湯北村，同出訪張晴川，次見崔進之。回，北村具酒。午，麵。浼書數紙，屏褶高彥敬古松一株，可愛。窗外矮橘數樹，結子無數，壓枝欲折，若吾鄉則無此也。飲散山大街，轉歸。張菊存來。吳茂之來，值出。今日見北村說葛元白曹梅南戴祖禹金子仁胡穆仲皆爲古人，可惜。再到杭城，愈覺舊游之落落也。客樓喧甚，衣襟汗流。借扇揮之。

九月廿七日陰，寓杭。早到省中，見李叔義。次到儒司見周都目，以官吏未允所請，歸家寫狀。再到省中，見張德輝，德輝約晚來說話。是日于省卷中檢尋學錄解由方見。晚，晴，登吳山，下視杭城，烟瓦鱗鱗，莫辨處所，左顧西湖，右俯浙江，望故宮蒼莽，獨見白塔屹立耳。次謁伍子胥廟，轉至拱北樓，卽朝天門，行大街官巷而歸。茅

山書院山長赤蓋象賢，金壇教諭王竹所來，茶罷，同見趙伯可。尹子源相過，夜話。

廿八日晴，客杭。鄉人吳君用來，訪湯北村，訪吾子行，出所作無稽集，皆戲談也。玄同觀見趙子昂，時郝左丞坐正席，子昂問都下事。遊開元宮，舊楊駙馬宮也。深邃可愛，正殿曰景命萬年之殿。晚見張德輝。看省卷，又作學錄，教諭擬倒矣，托其宛轉，未知可行否？洵入幹事，不料其相誤也。

廿九日客杭，晴。早到省中，見張德輝、李叔義。訪王成之，不遇。再到省中，禮房爲立擬劄事。到儒司，司官不出，獨吏輩兀坐司房而已。訪張竹村書樓，觀諸公詩牌。湯君白來，同遊昭慶寺。看新塑佛像，次入廣化院。次遊仙林寺，寺中無可觀者。相近一術士之

女，談星說命，若懸水然。次與君白午飯。君白具茶，茶已，自觀橋行，至官巷而歸。吳若遺送魚麵果盤來。

三十日陰，客杭。早到省中禮房，見張德輝、李叔義。是日改正擬劄。同君白出遊宗陽宮，時裝塑未就。次遊新宮佑聖觀，看擁壁二十四堵，皆新畫也。路遇胡石塘主簿，煮魚沽酒，會尹子源、沈六郎。晚見德輝，約來日省中計會選本。晚雨暄甚。夜雨生寒。

一大德十一年，二月十七日，禮房呈前鎮江路儒學學錄郭昇給由。冀奉省堂鈞旨。連送選房于學正山長內任用者。

初二日雨。終日，客杭。到省中，付文書與選房，以未照元除，又欲刁蹬，張德輝宛轉言之。到儒司，大雨中止，有武老元坐廳上，諸吏無來者。湯君白李君德來算範圍數，次同到官巷，問茶，茶已。訪周君遠道士，次到君德家，出子固墨戲開看，看已，分路各歸。

初三日，又雨。客杭。到省中見李叔義，伺候也先伯提控不出。同尹子源見儲叔儀，留小酌。次同叔儀到子源寓樓，開尊薦亥首。德清吳菊泉相遇。夜話，子源同問茶吳公，至元廿七年赴北寫金字經者。初四日乍晴，燒玄壇紙。宗壽卿來，言來日有人歸鎮江，付家書。

初五日陰。午同小圭覓舟，到北新橋，覓方仲明，不見。空費船錢，一貫二百五十，大雨，只得急回。到龍舌頭西去瀆沙坑，見馬從

簡外郎，言乃事未允所請。回見德輝，言來日當爲著語，不必出也。付後司使用。吳菊泉見過，夜話。

初六日，雨，不可出。寓杭，儲叔儀隔河樓上見呼，出紙索書，具酒晚飯。

初七日雨，客杭。李君德湯君白來，攜紙索書，就送紙一幅。訪吾子行求篆字。閒說久之，惠印色方。路遇胡石塘。

※

※

※

※

※

※

至大元年十月初八日，雨。客杭。見張德輝于省中，遊淨慈寺禮寺，看羅漢五百尊。訪朱敬齋。

初九日喜晴，客杭。早見鄭鵬南廉訪，次會柯以善，以善留三酌。劉悅心張景芳寫篆字，丘秀才續至，丘杭人，吾子行之高弟也。

是日衆官爲別不花平章送路，不聚。訪吾子行不遇。儲叔儀以今日登舟還義興，相呼午飯，出紙求字。盛親家章端甫自鄉中來，寄至家書。拉同市樓小酌，大街問茶。燈下自官巷歸。分路。子源請薦海蜇，話至二鼓。

初十日陰 早見鄭鵬南廉訪。見柯以善。到省中。盛親家見借鈔一笏，以今日歸，不及作別。晚到省中，伺候吏輩，到新宮橋見井同知，浼于郭都事處著語。晚方仲明尊舅來，留宿。

十一日又雨，溼熱。早，湯北村招早食，坐客方仲明宋興之父子。次同方舅到下馬婆巷，見李君實，新授宜興都目，茶罷，方舅拉往新門具麪。晚見馬公，猶未慨然。次見德輝，急步而回。汗流溼衣，幹事未成，殊焦煩也。

十二日客杭 朝天門訪張雲心州判，留坐，具午酌，薦糖蟹雞麵。雨作，取傘，乃回。

十三日雨，客杭。張景芳送紙，求書吳興虛徹道人詩偈，道人費氏，景芳之曾祖母云。遣王二到湖州幹事，作趙文卿陳有之書。

十五日客杭城，施水坊橋沈六郎樓。先妣憫忌日。

十六日又雨，客杭。張雲心遣僕寄書來，雨中約相過，彼此客况蕭索耳！到省中，伺候吏輩。方仲明來。雨中拉出見高國梁，說假借事。赴若水之約。方仲明舅來，留宿，具晚酌待之。

十七日晴，客杭。王三自湖州回。路遇賈景顥紀祥甫周謙甫。鄰樓尹子源得財賦府文書，了辦可喜。予滯留日久，所幹未就。愈覺憂悶耳！晚尹子源燒紙，招夜飲。坐客余及沈及之沈國寶沈六郎父子。